



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. D. Magistri Petri Lombardi Novariensis Episcopi  
Parisiensis. Sententiarvm Libri IV. quibus vniuersæ  
Theologiæ summa continetur**

**Petrus <Lombardus>**

**Mogvntiæ, 1632**

De pœna Sacerdotis, qui peccata confitentis publicat. G

**urn:nbn:de:hbz:466:1-38829**

tiferis quorum notitiam non habemus. Vnde August. Veritatem dicit Deo poenitens, quando nihil illi de commissis sceleribus celat: non quod & si voluntatem celauerit, Deus ignoret: sed veritatem sibi dici vult ab eo, vt veniam consequatur. Si vero mente aliqua exciderunt, confitetur veritatem Deo, cum generaliter dixerit, Deus qui nosti occulta cordis, & opera mea & delicta à te non sunt abscondita, quibus veniam largiaris precor: & hæc est veritas confitentis, quam diligit Deus. Vnde Aug. Ecce enim veritatem dilexisti: hic insinuat, quod generalis confessio etiam mortalia delicta, quorum intelligentia non habetur.

*Nemo confiteatur peccata, que non fecit.* F

Sicut autem poenitens celare non debet peccatum suum, quia superbia est: ita nec humilitatis causa fateri se reum illius, quod se non commississe noscit: quia incauta est talis humilitas, & peccatorem constituit. Vnde Aug. Cum humilitatis causa mentiris, si non eras peccator antequam mentire, mentiendo efficereris, quod vitaras: quia veritas in te non est, nisi ita te dixeris peccatorem, vt etiam esse cognoscas. Veritas autem ipsa est, vt quod es dicas. Nam quomodo est veritas, vbi regnat falsitas?

*De poenis sacerdotis, qui peccatum publicat confitentis.* G

Caueat a. sacerdos ne peccata confitentium aliis prodatur: alioquin deponatur. Vnde Grego. Sacerdos ante omnia caueat, ne de his, qui ei confitentur, peccata alicui recitet, non propinquis, non extraneis: nec (quod absit) pro aliquo scandalo. Nã si hoc fecerit deponatur, & omnibus diebus vite sue ignominiosus peregrinando pergat. Quod vero dictum est, vt poenitens eligat sacerdotem scientem ligare & soluere, videtur contrarium ei, quod in canonicis reperitur, vt nemo, sc. alterius parrochianam iudicare præsumat. Sed aliud est fauore vel odio pro-

*Aug. li. 5. in princip. contra Pelagianos, hypognoticon. tom. 7.*

*Psal. 68.*

*Psal. 50.*

*Aug. de verbis apost. 1. ioan. 1. sermone. 29. in medio in tom. 10.*

*De poen. di. 6. ca. Sacerdos.*

proprium sacerdotem cōtemnere, quod canones prohibent: aliud cæcum vitare, quod Urbanus facere monet: ne si cæcus cæcum ducat, ambo in foueam cadant. A. T. N. Urbanus secundus. Placuit ut nulli sacerdotum deinceps liceat quælibet cōmissum alteri sacerdoti ad pœnitentiã suscipere, sine eius cōsensu cui se prius cōmisit, nisi pro ignorantia illius, cui prius cōfessus est. Qui vero cōtra hoc facere tentauerit, gradus sui periculo subiacebit.

SI PECCATA DIMISSA REDEANT.

DISTINCT. XXII.

Cum multis auctoritatibus supra sit assertum, in vno cordis cōtritione peccata dimitti ante oris confessionem vel operis satisfactionem, et etiam qui aliquando in crimen relapsus est: quaeritur si post mortis contritionem confiteri contempserit, vel in peccatum idem vel simile ceciderit, an peccata dimissa redeant? Cuius quaestio solutio obscura est & perplexa, aliis asserentibus, aliis contra negantibus, peccata semel dimissa vltèrius replicari ad pœnam. Qui vero dicunt peccata dimissa redire, subditis se muniunt testimoniis. Ambros. ait, Donate inuicem, si alter in alterum peccat: alioquin Deus repetit dimissa. Si enim in his contemptus fuerit, sine dubio reuocabit sententiam, per quam misericordiam dederat: sicut in euangelio de seruo nequam legitur, qui in conseruum suum impius deprehensus est. Item Rabanus, Nequam seruum tradidit Deus tortoribus, quoadusque redderet vniuersum debitum: quia non solū peccata, quæ post baptismū homo egit, reputabatur ei ad pœnam: sed et originalia quæ in baptismo sunt ei dimissa. Itē Gregor. Ex dictis euangelicis cōstat, quia si toto corde non dimittimus, quod in nos derelinquitur, & hoc rursum exigitur, quod iā nobis per pœnitentiã dimissum fuisse gaudebamus. Itē Aug. Dicit Deus, Dimitte,

*Amb. ad illud cap. 5. ad Ephes. donātes vobis.*

*Raban. in comen. ad illud, serue nequam. Matth. 18. d.*

*Greg. ca. 60. lib. 4. dial. Aug. in fine sermonis. 5. De verbis Domini.*

& di-